

bšumaihun d hiia rbia nitriS šuma dilia
. ulab . u`l `m
. u`l `m hurintia
u`l zauai . u`l ahai

. u`l ahai hurinia
. u`l šitlai

u`l abahatai

unitraS šumaihun d lhalin nišmata lhil batra sagia bit tušlima . bšumaihun
ubhailaihun d hiia rurbia nukraia iatiria d `lauia ukulhun `ubadia bšumaihun d hiia
tiniania d iušamin dakia ubšumaihun d hiia tlitaiia abatur atiqā rama kasia unTira
šumh ubšumh ubhailh d manda d manda d hiia iatir almia d nhura ubšumaihun
d šilmai unidbai d mšalTin liardna rba d hiia d lmaSbuta rabtia d nhura usahduta
ušuma urušuma uiatbia lnišmata ubšumaihun d hibil ušitil uanuš tlata bnia
d šurbta haita u`rta unahurta utaqunta urauazta sahduta hazin lagTin in anin
tarmidia lanašia mandaiia ul`nšaiia mandaiata ulbniaun d iadia napšaiun u`l apriš
madiaiun d bhabšaba uanpia iuma lmaškina latin ubTaksa laqaimia ultarmidaiun
lašamin uahuria d tarmidia laqaimia urahmia labaiia umisgad lasagdia upihta
lašaqlia ukušTa lapašTia ulaupa mn hdadia lanasbia ubnaiun laSabin
ubnatun rušuma d hiia lamalgiTilun uhaimanuta d hiia rurbia qadmaiia blibaihun
lašarialun u`l mradpia usniqia lamitrahmia u`nšaiun ubnaiun ubnatun lmaškna
banpia iuma ubhabšaba lamšadria ukul mandaiia d naSb`iia bmia umandaiata
mhaimnia umhaimanata ubnaiun ubnatun d iadia napšaihun d rahmia maraihun
usahdin bhia rurbia qadmaiia d lahua kd d lahun ulahauia kd d lahauian d Sb`iia
biardna uršimia brušuma d hiia d lamaškna atin ubanpia iuma ubhabšaba ubTaksa šapira
qaimin usigudta sagdin uahuria d tarmidia qaimia qaimia upihta šaqlia ukušTa
pašTia ulaupa mn hdadia nasbia ubnaiun ubnatun Sabia umilgiTilun ubrušuma
d hiia uhaimanuta d hiia rurbia nukraia blibaiun šarialun ulsniqia haisin
umitrahmia u`nšaiun ubnaiun ubnatun banpia iuma lmaškna mšadria upihluta pihlia
uzidqa labaiar bbaitaiun ulmaškna matin hiia rurbia qadmaiia iatiria d `lauia
ukulhun `ubadia udiušamin dakia br niSabtun uabatur atiqā rama ukasia u`nTira d hu
rašnia urast hu balma hazin ušilmai unidbai d mšalTia liardna rba d hiia
ulmaSbuta rabtia d nhura d hinun sahdia lagTia ulnišmata balma hazin uptahil
šliha d gabr`iil šumia ubhailahun d hiia udhibil ušitil uanuš d hinun mhur
uruš urast ubhailh d ptahil šliha ubhailaihun d hiia ubmimra d abahath ngad šumh
d la`uSTunia umsa arqa d lamsuta ub`šumia `STarar bgauh kukbia ubarqa `hab
piria u`mbia u`lania uatia ziuiā lšamiš utuqna lsira ubhailaihun d hiia `bdh
ladam unSabilia haua bzauh ubrak `lauaihun briktā d alma hazin lkimSat almia
šaršaihun ušurbatun mn alma hazin labaTlia nihiulun lkuhun mhaimnia
ukulhun mandaiia Sb`iia mia d halin kulhun `ubadia Tabia abdia uTabauata
halin abdia usahdin bhia umaudin bmanda d hiia ushid uhaiman btušbihta
d gubria d `lin tlata bnia d šurubta haita `rta urauazta utaqunta nahirta ubuta
halin hazin baiinin ušulta hazin šailinin anin tarmidia niparqinin manda d hiia
mn bišuta d alma hazin nihiulak adiaura usimaka umparqana umšuzbana mn
maTarata d šibiahia d dahla nišmata minaiā umn hirbia uqiria umutana d alma hazin
mhašabata bišata d bišia umn lišana tlitaiia d rakik mn tirba upasiq mn hirba umn
Sihua biša umn klila mhambila umn muta tiniana umn aina biša umn klila mhambila
umn muta tiniana umn aina d husrana ubrikta d `tbirkit larqa bmsuta ulšumia
bisradqa ulšamiš manhirana ulsira d maSma blilia ulkukbia d madliqia ulkukbia

ulsira madliqia uminihrin brqiha ulaiar ziqa ulmia hiia ulpiria d arqa uladam
 gabra qadmaia ulhaua zauh ulbnia ulšurbath ulšlih unbihia ulbhiria
 ulšalmania ulmhaimnia ulšalmania d nhura nihuia `lauaihun ulziuahun
 ulbanaun ulbnatun uzibnaiun ulzabantaiun ularqaiun umaiaiun uhiuaniata
 uqinianun ulziraiun ulbaziraiun bdirba bdirba ubmata unihuilun manda d hiia adiaura
 usimaka balma hazin d bišia uma d baiin naškun uma d šailia mithablun `l
 rahmaiun ulrahmia rahmaiun tum anašia mandaiia d lšumia d manda d hiia qaimia
 ubpumaihun ublibaihun uhaimanuta litlun udamin l`lania bišia d šatin mia hiia
 upiria lamapqin udamin ldibia haTipia ularia makšilana ulatin lmaškna
 urahmia labaiin uahuria d tarmidia laqaimia upihta lašaqlia ukušTa lapašTia
 ulaupa mn hdadia lanasbia uzidqa lmaškna lamatin u`nšaiun ubnaiun lmaškna
 lamatin u`nšaiun ubnaiun lamšadria ubanpia iuma d habšaba bnaiun laSabia
 ubnatun rušuma d hiia lamalgiTilun ugubria d lagTia `nšia mn babia trisar
 ulamaprišilun ulamudilin ulamairilin d hiia qašiš mn muta unhura qašiš mn
 hšuka uTabia šapiria qašiš mn bišia uhalia basima qašiš mn marira u`umama qašiš
 mn lilia uhabšaba qašiš mn šapta unaSiruta qašiš mn iahduta `laiia qašiš
 mn titaiia uiardna d mia hiia qašišia mn mia tahmia d atar hšuk uamarilun
 umaprišilun tarmidaiun ulašamilh ulamaiarlun libaiun d nišmun lgabra malpanun
 umanhiranun ušabqia qala d hiia urahmia qala d hšuka sanin Sauta d hiia urahmia
 Sauta d hšuka sanin ziua unhura urahman daura d haška šabqin iardna d mia hiia
 urahmia mia tahmia halin sahdia lagTinun `lauaihun hiia rurbia qadmaia
 bsahdia lagTinun `lauaihun iušamin dakia d šria l`uSria d mia ulmambugia rurbia
 `laiia dakia d nhura bsahdia lagTinun `lsaihun uabatur atiqra rama kasia unTira
d ram uiatib amuq uksia hazia upariš almia udaria hazia mahu d abdia umšaliT
 lnišmata d lmitqal bkul `ubadia d abdia bsahdia lagTia `lauaihun hibil ušitil uanuš
 bsahdia lagTia `lauaihun šamiš uziuh usira utuqn̄h bsahdia lagTia `lauaihun
 habšaba ukana d zidqa bsahdia lagTia `lauaihun qala d hiia umimra upaqadta
 uzaharta d atatalh mn bit abatur umn bit hiia rqia qadmaia bsahdia lagTia
 `lauaihun utarmidia d brušumaiun urahmia ubauata udrašia usidria umalalia udrašia
d ziua umargnia d ziua bsahdia lagTia `lauaihun hazin malala uhazin paqadta
 uhazin zaharta d `thablan mn arqa d nhura uanuš `utra šliha atia uiatib
 ltarmidia lmimar bgauh ulašmuia lalmia udaria d nišarbun unimrun uništrun
 unihaimnun ulanipkun minh kulman d apik mn hazin mamlala upaqadta uzaharta d anuš
 `utra šliha atia lalma hazin d bišia ulatra rba d napša ubišia malkuth mitpak
 `lh ušamiš uziuh usira uturnh umia uhailaihun uziqa ubusmh unura uSauta uarqa
 upira ušumh uTulalia ualma umhaimna d `tbh umaškna utarmida uhabšaba ukana
d zidqa upihta ukušTa umambuha uiardna d nhat u`STibun bgauh uqabaliun rušuma
 minh `lauaihun nihuia bsahdia tum halin sahdia d kušTa lagTinun lkul gabra
 u`nta uianuqa uianqata d lšuma d manda d hiia lasahdia ubmia lamiSTbia ušuma uršuma
d hiia laršam `lauaihun qaimia lbar mn kušTa umšamšia lbar mn Tabuta uanin
 tarmidia maprišnalkun uamrinalkun uamrinalun ulašamin ulamithaimnia
 bhaTaiia d napšaihun ništaiun hin mitaprišia usahdia bmanda d hiia šliha
 qadmaia uabdia Subian maraiun umahu d amarilun tarmidia šabiq haTaiia
 nihuilun `u labdia ulašamia ubhazin aprišata lasahdin ulašamin ulamašrin
 ulaqaimin ulamhaimnilun ltarmidaiun šabiq haTaiia lanihuilun hin labdia
 mahu d amarilun ubTaksa laqaimia ubšuta d paqid šliha qadmaia lasahdia asar
 haTaiia nihuilun ub`ubadia d `daihun ništaiun hin airin umitiairin
 umaiarlun mana d buhun d šria bit maTarata d šibiahia ubit dina
 laništaiun u`daihun d šibiahia `lauaihun latištalaT uzauaiun ubnaiun
 ubnatun d atun udatin mibilun šabiq haTaiia nihuilun utarmidia umhaimnia
d maprišinin lmandaiia bhazin aprašata šabiq haTaiia nihalun hiia zakin lkulhun
 `ubadia uhiia zakin sa . ruha ubna uqiriata kulhun bhaiabia hun lalam
 almia sa

. hazin sidra sakia halin zharia d ansit ana ania uania umradpa abda d kulh
 haTaiia uarqa bigar d naSuraiia uamapra d atutia ligraihun d nasakia utarmidia
 uganzibria zuTa ahai tarmidia umnašaq msana ligraihun d nasakia ana mhatam
 zihrun br rbai adam br rbai mhatam iuhana br rbai iahia sam br rbai sam
 bihram br rbai iahia bihram br rbai iahia bihram br rbai adam br rbai iahia
 adam br rbai šitil br rbai ram br rbai zakia br rbai iahia br rbai zakia br
 abuhun d ganzibria rbai mhatam br rbai sam laqab manduia ukinianh `kuma
d ansit lhad šalmanta umhamna u'uSra mdakai uliba mšalim lrahmut kušTa
 u'tkadiš lrahmut d manda d hiia udhibil ušitil uanuš u'hbat zidqa milia
 Tabuta napša ukidbat hazin ginza rama d huila dukrana btibil uhatma balma
 rurubia `laiia d nhura d h' šumia d maSbuta šarat pt haua simat ušuma d mqarila
 binia brata d dihla br maTlum br kTaiir br (ayin)idan br baiuT laqab pirišia
 ukiniana `kuma d nsit mn kdaba d `da d rbai mhatam iuhana br rbai iahia sam br
 rbai sam bihram br rbai iahia bihram br rbai iahia bihram br rbai adam br
 rbai iahia adam br rbai šitil br rbai ram br rbai zakia br rbai iahia br
 rbai zakia br abuhun d ganzibria rbai mhatam br rbai sam laqab manduia
 ukiniana `kuma d hu ansa mn kdaba d `da d rbai iahia zihrun br rbai iahia ram
 zihrun br mhatam br mhatam iuhana br bihram br mašid br našim br karam br
 kiria br (h)aiat kinianh sabur d hu ansa lhad šalmana umhaiman d hu šumh
 (ayin)aTuan ušumh d maSbuta mhatam zihrun br mahnaš brh d sabi(ayin) br šam(ayin)an
 br ganim br pariš br rabi(ayin) br dhas kinianh ku(h)ailh d ansalh mn sidra d šhun ušuma
 brata d dispulh br paizia br qasum br našmidin br rašid br našmidin br
 (ayin)abdlhasan kiniania sabur d ansalh mn sidra d had šalmana umhaimin d hu dalh
 br (ayin)abid br manSur br (ayin)abdulah br sabig kiniana quTana d ansalh d hua tarmida
 taqna rbai bihram sam br rbai bihram iahia br abuhun d ganzibria rbai bihram
 iahia br abuhun d ganzibria rbai adam br rbai iahia adam br rbai šitil br
 rbai zakia ram br rbai iahia br rbai zakia br abuhun d ganzibdia rbai mhatam
 br rbai sam laqab manduia ukiniania `kuma d ansalh mn sidra d ansalh lnapšia
d hu ganzabra taqna rbai ram iuhana br ram iuhana br rbai iahia zihrun br
 rbai zihrun br rbai adam br rbai iahia br rbai iahia adam br rbai šitil br
 rbai ram br rbai zakh br rbai iahia br rbai zakh br abuhun d ganzibria rbai
 mhatam br rbai sam laqab manduia kinianh `kuma d nsa mn sidra d had šalmana
d hu `ustad sa(ayin)ud br `ustad bišarah knianh riš draz d ansalh rba urama
 uiaqira ganzibra taqna d hu rbai sam iuhana br rbai iahia adam br iahia adam
 kiniania (ayin)isikir d ansa lnapšia mn sidra d ansa lnapšia zibna hurina sidra
d had šalmanta haua simat brata d adam br garib kinianh tum d ansalh mn sidra
d rba urama uiaqira ganzabra taqna maria šualania rbai iahia iuhana br ram
 br rbai baktiar kinianh ku(h)ailia d ansa mn tlata d sidra hua šugiana tiniana
 rbai zihrun br rbai ram ku(h)ailia tlitaiia ganzabra tarna rbai iahia ram br
 rbai bihram zihrun k(h)ailia urbai iahia ram ansa mn sidra d rba urama
 uiaqira rbai bihram br hiia br rbai adam zakia kinianh ku(h)ilia d ansa
 lnapšia mn sidra d ansa rbai iahia sam br rbai zihrun hibil br rbai anuš
 adam br bihdad (ayin)aziz d nsa mn sidra d rišaiia dihdar hula d šumia d maSbuta
 mhatam bulbul br sam bihram (ayin)aziz mn sidra rba urama uiaqira d rbai adam
 iuhana br iahia anuš kiniania šu(ayin)ailia d ansalh rba saruan bulbul br adam
 baian kiniania zarzuia d ansa mn sidra d had šalmania d hibil br hiia br sam
 nangaria d ansalia rbai iahia adam ku(h)ailia d ansa mn sidra d napšia d ansalh
 anuš mu(ayin)ailh br anuš bihdad zibna qadmaia aminTul d trin sidria d hanath
 šalmania d ansa tum ansalh mn sidra d mhatam br bihram mušarah d ansalh rbai
 bihram baian šupirtaiia mn sidra d šualia br hiia br iuhana br saruan
d ansalh rbai bihram baian šupurtaiia mn sidra d adam br ram gadana d ansalh
 iahia br adam ku(h)ailia mn sidra d rišaiia bihdad zihrun br sam sakara
d ansalh iahia br adam ku(h)ailia mn sidra d zihrun br iahia iuhana d ansalia

rbaian anuš mu(ayin)alia br anuš bihdad d baktiar br bul(ayin)iz br šitlai gadana
d ansalh mn sidra d sam hibil Salupa d ansalia bihram hibil br mhatam hibil
iuhana d ansalia mn sidra d iahia zakia br brik iauar br paiiš uram ziua br
šaiar br zihrun lahuia d kušTa hibil iuhana br zakia d nsalia mn sidra d adam
br iahia uadam d ansalh šaiar br zihrun mn sidra d br hiia br gadana br šaiar
ziua br hiia d ansa šaiar uram ziua bnia baian hibil mn sidra d zakria br
hibil mn sidra d napšia uzakria ansa mn sidra d šad manda br zkh iauar ušad
manda ansalh `qaiam br zindana mn sidra d baian hibil br brik iauar d ansalia
mn napšia ansalun rbaian `qaiam br zindana mn sidra d napšia d ansa mn sidra
hatiqa d hua škin bginza ktab `dh d adam šitil uram br daimir uram šailia
ansinun mn abahath hiia qadmaiia sa